

2000-12-07
aurkibidea**EUSKAL HERRIA** 12
Bonba bat indargabetua

Ertzaintzak lehergailu bat indargabetu zuen herenegun, Eibarko epaitegian. ETak iazko iralean lapurtutako dinamitaz osatua zegoen bonba

EUSKAL HERRIA 18
Euskaltzaindia Sanzengana

Euskaltzaindiak audientzia eskatu dio Nafarroako lehendakari Miguel Sanzi, administrazioan euskararen erabilera arautzeko prestatu duen zirriborroaz galdetzeko

EKONOMIA 24-25
Manifestazioa Nizan

Euskal talde eta sindikatu etako ordezkariak bildu ziren atzo Nizan (Frantzia), Europa sozialaren alde eta globalizazioaren aurkako manifestazioan

KIROLA 31
Alaves, gaur

Alaves futbol taldea Rosenborgekin lehiatuko da gaur, UEFAko kanporaketako bigarren partidan. Aurreko norgehiagoka bana amaitu zen, Gasteizen

KIROLA 36
Saskibaloiko neskak aise

Saskibaloiko Euskadiko selekzioa junior taldeko neskek erraz irabazi zioten atzo Australiari. 104-63 izan zen emaitza

GAIK 42
Txernobil geldirik

Txernobilgo (Ukraina) zentral nuklearrereko azken erreaktorea gelditu dute hango ingeniariak, lurrun-ihes bat sumatu eta gero

Egunkaria 3.104. zenbakia

Ohorezko Lehendakaria: Martin Ugalde

Administrazio Kontseiluko Lehendakaria: Joan Mari Torrealdai

Kontseilari Ordezkarria: Iñaki Uribe

Zuzendaria: Martxelo Otamendi

Gerentea: Mikel Sorozabal

Publizitatea: Idoia Sanz

Egoitza Nagusia: Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitate faxa: 943300707

Webgunea: www.egunkaria.com

Posta elektronikoa: egunkaria@egunkaria.com

Publizitatea: publi@egunkaria.com


Batzorde Parekidea: 72564 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irribi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurdia, Nafarroa Beherea, Zuberoa: Pannecau 14, 1 503 Posta
kubxatila, 64100 Baiona Tel.: 559593575 Faxa: 559257511

mattin**hizpideak****Konstituzioa eta abertzaleak**

Azken egunotan alderdi abertzaleek Espainiako Konstituzioaren kontra egindako adierazpenek tokia utzi zieten atzo ekintzei. Ikasle Abertzaleek antolatuta, 30etik gora herri eskola egin zituzten 4.000 ikasleekin, eta hainbat herritan, udalek, dende eta lantegiak ateak zabaldu zituzten, ospatze korik ez zutelako, Ipar Euskal He-

rrian ezer ospatzen ez zuten bezalatsu. Egia da aurreko ikasle gehiagok hartu dutela parte eskola horietan, egia da lantegi batzuek ateak zabaldu dituztela, baina ezin da ukatu horrek guztiak tamaina bat izan duela, eta ez oso handia. Bistan da, oro har, eragile politiko eta sindikalak, hau da, mugimendua indar dezaketen eragileak, zuhur jokatzen ari direla. PP eta PSOE beren konstituzioaren alde batasun blindatua egiten ari dira, eta horren alde ez diren alderdi eta sindikatu abertzaleek ez dituzte ez udalak ireki, ez lantegietara be-

harginak eraman, ezta ikastetxeak zabaldu ere. Soldadutzaren kontra intsumisoei hainbat urtez egindako borroka eredu garrantzitsuak izan da Euskal Herrian; eta, era berean, konfrontazio demokratikoa aldarrikatu izan da aurrera egiteko. Atzoko egunak erakutsi zuen, Konstituzioaren aurkako konfrontazio demokratikoa urtero-urtero handitzen ari den arren, mugitu diren eragileek ez dutela indar guztia horretan jartzen, eta mugitu ez diren isiltasunak erakutsi du mugitzeko borondate handirik ez dutela.



Euskal ikasleak manifestazioan, Konstituzioaren aurka.



UGTko gazteak Nizan, EBren aurka protestan.

Goi bilera Nizan

Europako Batasuneko hamabost estatuetako agintariak Nizako goi bileran elkartuko dira gaur. Haien helburua EBren egituraketaren erreforma hitzartzea da, geroan ekialdeko Europako herrialdeak sartzea ahalbidetzeko.

Erronka ez da samurra, eta asko dira Nizako goi bilera porrota izango dela pentsatzen dutenak. Egungo Batasuna, zeinak 1957. urteko Erromako Ituna du sorburua, orain arteko hedapen proze-

su handienari egin beharko dio aurre ondoko urteetan. Berlingo Harresia desagertu zenetik ekialdeko Europako herrialdeak hautagai izan dira Europako Batasunarekin bat egiteko. Lekuan lekuko ezaugarriak eta zailtasunak kontuan izanda, bakoitzari data jarri dio Bruselak. Kide berriak sartu aurretik, baina, barne erreforma garrantzitsuak egin beharko ditu EBk.

Hiru dira eztabaidagai nagusiak Nizako goi bileran: Europako Batzordearen barruan estatu bakoitzak izan beharko duen ordezkartza, EBko Minis-

troen Kontseiluan herrialdeek izango dituzten botoak biztanle kopuruaren arabera; eta gehiengo kualifikatuaren bidez zehaztuko diren erabakien esparruak murriztea.

Ez dirudi konponketa erraza izango denik. Bakoitzaren *interes nazionalak* daude jokoan, baita EBrenak ere. Eta, ez dezagun ahantzu, Batasunaren barruan bizi garenon interes pertsonalak —eta nazionalak ere Euskal Herriaren kasuan—. Egunotan Nizan kaleratuko diren milaka herritarrek horren lekukotasuna emango diote Bruselari.